

Cofnodion Cyfarfod Cyffredin **CYNGOR TREF RHUTHUN** a gynhaliwyd yn Siambr y Cyngor, Neuadd y Sir, Ffordd Wynnstey, Rhuthun, nos Lun, 26 Chwefror 2018, am 7:00pm.

**PRESENNOL:** Y Cynghorwyr Jim Bryan (Maer) ac Ian Lewney (Dirprwy Faer)  
Y Cynghorwyr Keiran Allsopp-Robson, Stephen Beach, Gavin Harris,  
Ken Hawkins, Menna Jones, Robert Owen-Ellis, Anne Roberts, Dave Snape,  
Heather Williams, Ifan Wyn ac Emrys Wynne.

### **193. YMDDIHEURIADAU AM ABSENOLDEB**

Derbyniwyd ymddiheuriadau am absenoldeb gan y Cynghorydd John Wynne Hughes.

### **194. DATGAN BUDDIANNAU**

Derbyniwyd datganiadau buddiant gan y Cynghorydd Ken Hawkins ynghylch eitem 17 – taliad am gostau llifoleuo Eglwys Sant Pedr a gan y Cynghorwyr Ifan Wyn ac Emrys Wynne yng nghyswllt eitem 21 – Eisteddfod Genedlaethol yr Urdd Sir Ddinbych 2020.

### **195. ADRODDIAD Y MAER**

Adroddodd y Maer ei fod wedi bod yn bresennol yn y digwyddiadau isod.

25.01 Cyfarfod Grŵp Llywio Rhuthun.

27.01 Cyngerdd Elusennol Maer Dinbych yn Neuadd y Dref, Dinbych.

30.01 Cyfarfod yr Is-bwyllgor Cynllun Iaith – gohiriwyd.

01.02 Cyfarfod Gweithgor Cynllun Argyfwng Rhuthun a Gweithgor yr Hen Lys.

13.02 Rasys crempogau yn Sgwâr Sant Pedr a chyflwyno'r gwobrau i'r enillwyr.

15.02 Cyfarfod gyda Mr Mervyn Roberts, Rheolwr Busnes HSBC, yng nghanen Rhuthun.

17.02 Perfformiad 'Robin Hood' – cynhyrchiad Cymdeithas Pantomeim Rhuthun 2018.

18.02 Cyfarfod yng Nghastell Rhuthun ynghylch dathliadau Gefeillio.

19.02 Cyfarfod Pwyllgor Gŵyl Rhuthun.

22.02 Gweithdy hyfforddiant cynllunio yng Ngwesty Castell Rhuthun.

24.02 Cinio dathlu Urdd Cynddilywaidd Brenhinol y Byffalos.

### **196. ADRODDIADAU'R AELODAU**

Cyng. Ian Lewney Cyfarfod yr Is-bwyllgor Cynllun Iaith – gohiriwyd.

Cyng. Keiran Allsopp-Robson Cyfarfod Gweithgor Cynllun Argyfwng Rhuthun a'r Rasmus Crempogau.

Cyng. Stephen Beach Cyfarfod Chwarterol Cymdeithas Cynghorau Lleol Gogledd a Chanolbarth Cymru a chyfarfod Grŵp Llywio Rhuthun.

Cyng. Gavin Harris Cyfarfod Gweithgor Cynllun Argyfwng Rhuthun a Gweithgor yr Hen Lys, cyfarfod gyda Tom Booty, Rheoli Asedau Cyngor Sir Ddinbych a Caroline Brindle, Busnes a Thwristiaeth Cyngor Sir Ddinbych.

Cyng. Ken Hawkins Cynorthwyo peiriannydd Smith's of Derby i wasanaethu'r clociau yn Eglwys Sant Pedr, ar y Sgwâr a chloc y Cyngor Tref, a chynorthwyo i drefnu'r Rasmus Crempogau ar ran Eglwys Sant Pedr.

Cyng. Robert Owen-Ellis Pedair sesiwn y Banc Bwyd, cyfarfod Grŵp Llywio Rhuthun, cyfarfod Llywodraethwyr Ysgol Pen Barras ynghylch ymateb yr ysgol i ddisgyblion ag anghenion addysg ychwanegol a chyfarfod yr Is-bwyllgor Cynllun Iaith – gohiriwyd.

Cyng. Menna Jones Dim i'w adrodd.

Cyng. Anne Roberts Cyfarfod Gweithgor Cynllun Argyfwng Rhuthun a Gweithgor yr Hen Lys, cyfarfod Cymdeithas Ddinesig Rhuthun a'r Cylch a chyfarfod gyda Mr Geraint Parry, Pennaeth Ysgol Brynhyfryd.

Cyng. Dave Snape Cyfarfod Is-bwyllgor Theatr John Ambrose a Rasmus Crempogau ar y Sgwâr.

Cyng. Heather Williams Cyfarfod Gweithgor yr Hen Lys.

### **197. COFNODION Y CYFARFOD BLAENOROL**

**PENDERFYNWYD:** *cadarnhau bod cofnodion y cyfarfod a gynhaliwyd ar 22 Ionawr 2018 yn gofnod cywir.*

### **198. MATERION YN CODI**

Nid oedd unrhyw faterion yn codi.

### **199. COFNODION Y PWYLLGOR CYNLLUNIO A DATBLYGU**

Tynnodd Gadeirydd y Pwyllgor sylw at eitemau o gofnodion y cyfarfodydd a gynhaliwyd ar 12 Chwefror 2018. Holodd Cynghorydd a oes gan y Cyngor Tref bolisi ffurfiol ynghylch ymweliadau safle a chytunwyd y dylid cynnwys hyn fel eitem agenda yn y dyfodol i'r Pwyllgor Cynllunio a Datblygu.

**PENDERFYNWYD:** *derbyn cofnodion y cyfarfodydd a gynhaliwyd ar 12 Chwefror 2018.*

### **200. COFNODION Y PWYLLGOR AMWYNDERAU**

Tynnodd Gadeirydd y Pwyllgor sylw at eitemau o gofnodion y cyfarfodydd a gynhaliwyd ar 12 Chwefror 2018.

**PENDERFYNWYD:** *derbyn cofnodion y cyfarfod a gynhaliwyd ar 12 Chwefror 2018.*

### **201. DYDDIAD YMGYRCH CASGLU SBWRIEL YN Y DREF**

Gofynnwyd i'r aelodau nodi dyddiad yr ymgyrch casglu sbwriel, a gynhelir ddydd Sadwrn, 24 Mawrth – cyfarfod yng maes parcio Cae Ddôl am 10am a dychwelyd erbyn hanner dydd. Ymddiheurodd y Cynghorwyr Rosie Hughes a Dave Snape gan na fyddent ar gael y diwrnod hwnnw.

**PENDERFYNWYD:** *cadarnhau y cynhelir ymgyrch casglu sbwriel y dref ddydd Sadwrn, 24 Mawrth.*

### **202. ASESIAID RISG BLYNYDDOL**

Gofynnwyd i'r aelodau dderbyn a chadarnhau'r Asesiad Risg Blynyddol. Ystyriwyd yr eitemau a restrwyd, ac awgrymwyd gosod arwydd yn datgan bod defnyddwyr y parc sglefrfyrdio yn gwneud hynny ar eu risg eu hunain ac edrych hefyd ar arbed dogfennau i'r 'Cwmwl' fel dull o gadw gwaith a fyddai'n hygyrch oddi ar y safle.

**PENDERFYNWYD:** *derbyn a chadarnhau'r Asesiad Risg Blynyddol.*

### **203. STRATEGAETH FUDDSODDI FLYNYDDOL**

Gofynnwyd i'r aelodau dderbyn a chadarnhau'r Strategaeth Fuddsoddi Flynyddol. Adroddwyd bod Undeb Credyd Cambrian wedi hysbysu'r Cyngor Sir, yn dilyn ei Gyfarfod Blynyddol, na fyddai taliad difidend eleni. Awgrymwyd edrych ar gyfrifon cynilo HSBC.

**PENDERFYNWYD:** *derbyn a chadarnhau'r Strategaeth Fuddsoddi Flynyddol.*

### **204. CAIS AM GYMORTH ARIANNOL – CERDD CYDWEITHREDOL SIR DDINBYCH**

Gofynnwyd i'r aelodau ystyried cais am gymorth ariannol i Fand Pres Ieuenctid Sir Ddinbych gan Gerdd Cydweithredol Sir Ddinbych. Trafododd yr aelodau'r cais ac roeddynt o'r farn y dylai'r mudiad ofyn am gymorth ariannol gan bob Cyngor Tref yn y sir gan ei fod yn fudiad i Sir Ddinbych gyfan.

**PENDERFYNWYD:** *peidio â rhoi cymorth ariannol ar hyn o bryd, ond annog y sefydliad i gyflwyno cais eto petai ganddynt ddigwyddiad penodol yn y dyfodol.*

### **205. CAIS AM GYMORTH ARIANNOL – CYSWLLT CYMDEITHAS GWARCHOD AR-LEIN SIR Y FFLINT A WRECSAM**

Gofynnwyd i'r aelodau ystyried llythyr gan y mudiad uchod yn gofyn am gymorth ariannol tuag at gynllun gwarchod y gymdogaeth yn yr ardal leol. Roedd yr aelodau'n awyddus i dderbyn rhagor o fanylion am y cynllun.

**PENDERFYNWYD:** *gwahodd cynrychiolwyr i annerch Cynghorwyr mewn cyfarfod yn y dyfodol.*

## 206. CYNRYCHIOLYDD CYNGOR TREF RHUTHUN AR BWYLLGOR SIOE RHUTHUN

Gofynnwyd i'r aelodau benodi cynrychiolydd y Cyngor Tref ar Bwyllgor Sioe Rhuthun. Awgrymwyd gofyn i'r Cynghorydd John Wynne Hughes a oedd ganddo ddiddordeb yn y rôl. **PENDERFYNWYD:** gofyn i'r Cynghorydd John Wynne Hughes a oedd ganddo ddiddordeb mewn bod yn gynrychiolydd Cyngor Tref Rhuthun ar Bwyllgor Sioe Rhuthun.

## 207. AELODAETH UN LLAIS CYMRU 2018-19

Gofynnwyd i'r aelodau ystyried Cyngor Tref Rhuthun yn bod yn aelod o Un Llais Cymru yn 2018-19 ar bris gostyngedig 50% o £411.00. Awgrymodd y Cynghorydd Emrys Wynne agor deialog gydag Un Llais Cymru ynghylch y rhwystrau i fod yn aelodau a gwirfoddolodd i gynorthwyo gyda hyn.

**PENDERFYNWYD:** cynnal deialog gydag Un Llais Cymru.

## 208. DATGANIAD ARIANNOL

Gofynnwyd i'r aelodau gymeradwyo'r Adroddiad Ariannol am y cyfnod yn diweddu 30 Ionawr 2018.

**PENDERFYNWYD:** derbyn a chymeradwyo'r Datganiad Ariannol am y cyfnod yn diweddu 30 Ionawr 2018.

## 209. CYFRIFON I'W TALU

**PENDERFYNWYD:** cymeradwyo talu'r eitemau a ganlyn.

5134	Zurich Municipal	Taliad yswiriant 2018-19		£4,566.45
5135	Clwb Bowlio Gorphwysfa	Cyfraniad		£200.00
5136	Homestart Sir Ddinbych	Cyfraniad		£300.00
5137	Eisteddfod Gydwladol Llangollen	Cyfraniad		£100.00
5138	Ambiwllans Awyr Cymru	Cyfraniad		£250.00
5139	Eisteddfod Genedlaethol Caerdydd	Cyfraniad		£100.00
5140	HCI Data Limited	Adnewyddu <a href="http://ruthintowncouncil.gov.uk">ruthintowncouncil.gov.uk</a> a <a href="http://cyngortrefrhuthun.gov.uk">cyngortrefrhuthun.gov.uk</a> am ddwy flynedd	*	£167.76
5141	Cyngor Sir Ddinbych	Gosod a thynnu'r goleuadau Nadolig	*	£4,518.54
5142	Cyllid a Thollau Ei Mawrhydi	Treth incwm ac Yswiriant Gwladol		£274.90
5143	Marian Rees	Cyfieithu ar y pryd	*	£180.00
5144	Fineline	Nwyddau swyddfa	*	£9.28
5145	The Play Inspection Company	Archwiliadau blynyddol maes chwarae'r Caeau Chwarae Coffa a pharc sglefrfyrdio Cae Ddôl	*	£156.00
5146	Fineline	Cardiau pen-blwydd 100 oed Cyngor Tref Rhuthun x 100	*	£164.66
5147	Eglwys Sant Pedr	Llifoleuo 01.01.17 – 31.12.17		£919.05

## 210. GWEITHGOR I ADOLYGU A DIWEDDARU 'RHUTHUN – TREF FARCHNAD Y DYFODOL'

Gofynnwyd i'r aelodau ystyried penodi aelodau o'r Pwyllgor Amwynderau a'r Pwyllgor Cynllunio, ynghyd ag aelodau allanol, i fod yn aelodau'r gweithgor. Awgrymwyd y dylai'r Cynghorydd Gavin Harris gadeirio'r Grŵp. Amlinellodd y cynlluniau ar gyfer wythnos o weithgareddau'n gysylltiedig â diweddaru'r Cynllun. Awgrymwyd gwahodd Tom Booty, Caroline Brindle a Bethan Hughes o Gyngor Sir Ddinbych, Katy Morgan-Williams a Roger Edwards o Gymdeithas Hanes Rhuthun i fod yn aelodau'r gweithgor, yn ogystal â'r Cynghorwyr Anne Roberts a Heather Williams yn cynrychioli'r Gymdeithas Ddinesig a'r Cynghorwyr Stephen Beach a Robert Owen-Ellis o'r Pwyllgor Cynllunio, a'r Cynghorwyr Menna Jones a Keiran

Allsopp-Robson o'r Pwyllgor Amwynderau, ynghyd â'r Maer a'r Dirprwy Faer.

**PENDERFYNWYD:** *sefydlu gweithgor a chael diweddariadau rheolaidd, ar nosweithiau'r cyfarfodydd Pwyllgor ac yn y Cyngor llawn.*

#### **211. EISTEDDFOD GENEDLAETHOL YR URDD SIR DDINBYCH 2020**

Gofynnwyd i'r aelodau ystyried llythyr gan Gadeirydd Pwyllgor Apêl Rhuthun, Mr Iwan Vaughan Evans, i ddod i drafod codi arian tuag at yr Eisteddfod yng nghyfarfod nesaf y Cyngor Tref, pan fydd Aled Siôn, Cyfarwyddwr yr Urdd, yn annerch yr aelodau.

**PENDERFYNWYD:** *gwahodd Mr Iwan Vaughan Evans i ddod i gyfarfod nesaf y Cyngor Tref i drafod Eisteddfod Genedlaethol yr Urdd i'w chynnal yn Sir Ddinbych yn 2020.*

#### **RHAN DAU**

Cynigiwyd ac eiliwyd cynnal y cyfarfod mewn cyfrinachedd ar gyfer yr eitem a ganlyn.

#### **212. YR HEN LYS**

Ystyriodd yr aelodau'r datblygiadau diweddaraf o ran yr Hen Lys, a chyflwynodd y gweithgor eu hargymhellion ynghylch y cynnig isaf a'r cynnig uchaf. Roedd y Cynghorwyr yn awyddus i sicrhau bod y cytundeb rhagbrynu wedi'i lunio yn gyntaf, cyn gwneud cynnig.

**PENDERFYNWYD:** *derbyn y terfynau a argymhellwyd a rhoi pwysau ar gwblhau'r cytundeb rhagbrynu.*

#### **213. DYDDIAD Y CYFARFOD NESAF**

**PENDERFYNWYD:** *cadarnhau mai dyddiad y cyfarfod cyffredin nesaf fydd nos Lun, 26 Mawrth 2018 at 7.00pm.*